

Na osnovu člana 33. tačka 1. alineja h) Zakona o osnivanju Nezavisnog operatora sistema za prijenosni sistem u Bosni i Hercegovini („Službeni glasnik Bosne i Hercegovine“ broj 35/04), člana 8. Zakona o radu u institucijama Bosne i Hercegovine („Službeni glasnik Bosne i Hercegovine“ br. 26/04, 7/05, 48/05, 60/10, 32/13 i 93/17), a u skladu sa Pravilnikom o radu Nezavisnog operatora sistema u Bosni i Hercegovini broj: 9/17 od 13.02.2017. godine i Pravilnikom o unutarnjoj organizaciji Nezavisnog operatora sistema u Bosni i Hercegovini s opisom radnih mjesta broj: 36/17 od 11.09.2017. godine, kao i Odlukom o popunjavanju radnog mjesta broj: 02-583-1/22 od 30.05.2022. godine, Nezavisni operator sistema u Bosni i Hercegovini raspisuje

JAVNI OGLAS za popunjavanje radnog mjesta

Rukovodilac Službe informacionih sistema i telekomunikacija (u organizacionoj cjelini Služba informacionih sistema i telekomunikacija)

Opis poslova i radnih zadataka:

1. Razvija strategiju informacionih sistema i telekomunikacija, uključujući planiranje tehničke kontrole sistema i IT podrške.
2. Organizuje pregled poslovnih procesa NOSBIH-a, njihovog razvoja i zahtjeva u pogledu podrške i izmjena sistema.
3. Nadgleda aktivnosti Službe za informacione sisteme i telekomunikacije te rukovodi njenim osobljem.
4. Osigurava adekvatnu hardversku i telekomunikacionu opremu za podršku aktivnostima NOSBIH-a i kontinuiranu podršku za ovu opremu.
5. Osigurava tehničke specifikacije, razvoj, nabavku i implementaciju sistema koji su neophodni za podršku u radu NOSBIH-a.
6. Učestvuje u procesu javne nabavke (tendera) i nadgleda implementaciju sistema.
7. Osigurava dogovoreni nivo podrške za korporativne sisteme i, kada je to neophodno, daje savjete o mogućnostima angažovanja vanjskih ugovarača.
8. Organizuje vođenje hardverske i softverske dokumentacije u cilju kontinuirane podrške sistemu i olakšanja revizije.
9. Predlaže obuku IT osoblja NOSBIH-a i organizuje obuku po dogovorenom programu.
10. Koordinira provođenje IT projekata.
11. Odgovara za izradu strateškog i godišnjeg operativnog plana Sektora IT-a, te odgovara za njihovo izvršenje.
12. Odgovoran je za vođenje Službe IT-a u skladu sa postojećom zakonskom regulativom.
13. Po nalogu generalnog direktora obavlja i druge poslove neophodne za efikasno funkcionisanje NOSBIH-a.

Uslovi:

Opći uslovi:

- da ima navršениh 18 godina života
- da je državljanin Bosne i Hercegovine
- da protiv njega nije pokrenut krivični postupak, za krivično djelo za koje je predviđena kazna zatvora od tri i više godina ili da mu nije izrečena zatvorska kazna za krivično djelo učinjeno s umišljajem u skladu sa krivičnim zakonima u Bosni i Hercegovini
- da nije obuhvaćen odredbom člana IX stav 1. Ustava Bosne i Hercegovine
- da je fizički i psihički sposoban za obavljanje poslova radnog mjesta na koje se prijavio kod poslodavca.

Posebni uslovi:

- visoka stručna sprema - diplomirani inženjer elektrotehnike ili magistar, diplomirani inženjer elektrotehnike
- dobro poznavanje IT i telekomunikacionih tehnologija
- napredno korištenje računara
- aktivno znanje engleskog jezika u govoru i pisanju
- najmanje 3 godine radnog iskustva

Napomene:

Za radno mjesto rukovodilac Službe informacionih sistema i telekomunikacija radni odnos se zasniva na neodređeno vrijeme, uz probni rad od šest (6) mjeseci.

Ne može se primiti ni biti u radnom odnosu lice koje u mjestu življenja obavlja samostalnu profesionalnu djelatnost, odnosno koje ima zanatsku radnju ili vlastitu firmu, kako je to naznačeno u članu 11. Zakona o radu u institucijama BiH.

Potrebni dokumenti:

Potrebni dokumenti:

Prijava kandidata sa kratkim rezimeom motiva za prijavu na javni oglas; biografija/CV; ovjerena kopija fakultetske diplome, a za kandidate koji su visoko obrazovanje stekli po bolonjskom procesu, uz ovjerenu fakultetsku diplomu i ovjeren dodatak fakultetskoj diplomi; ovjerena kopija uvjerenja o državljanstvu, ne starija od šest mjeseci; izjava kandidata da se na njega ne odnosi član IX stav 1. Ustava Bosne i Hercegovine; dokaz o aktivnom znanju engleskog jezika; dokaz o naprednom korištenju računara, odnosno, dokaz o dobrom poznavanju IT i telekomunikacionih tehnologija; dokaz o radnom iskustvu na istim ili sličnim poslovima u kojem je naveden period radnog iskustva.

Kandidati koji su fakultet završili van Bosne i Hercegovine, odnosno koji su diplomu stekli u nekoj drugoj državi nakon 06.04.1992. godine, obavezni su dostaviti ovjerenu kopiju nostrifikovane (priznate) diplome, u skladu sa odredbama Zakona o važnosti javnih isprava u Bosni i Hercegovini („Službeni glasnik Bosne i Hercegovine“ broj: 23/04). Ukoliko je u trenutku prijavljivanja na oglas postupak nostrifikacije (priznavanja) već počeo, kandidat je, uz prijavu, dužan dostaviti i dokaz o podnesenom zahtjevu za nostrifikaciju (priznavanje) diplome nadležnom organu.

Napomena za kandidate:

Izabrani kandidat je, neposredno pred zaključenje ugovora o radu, dužan dostaviti uvjerenje o zdravstvenoj sposobnosti (ne starije od tri mjeseca), uvjerenje da se protiv njega ne vodi krivični postupak, uvjerenje o nekažnjavanju, kopiju svoje lične karte i kopiju potvrde o prebivalištu.

Neispunjenje ove obaveze rezultiraće odbacivanjem izabranog kandidata.

Sa kandidatima koji uđu u uži izbor Komisija za izbor kandidata (u daljnjem tekstu Komisija) obaviće testiranje i razgovor, o čemu će odabrani kandidati pravovremeno biti obaviješteni.

Komisija će posebno voditi računa o poštivanju člana 8. stav 9. Zakona o radu u institucijama Bosne i Hercegovine („Službeni glasnik Bosne i Hercegovine“ broj 26/04, 7/05, 48/05, 60/10, 32/13 i 93/17).

Svi kandidati koji se prijave na javni oglas će pismenim putem biti obaviješteni o rezultatima javnog oglasa, odnosno izboru kandidata.

Rok za podnošenje prijava:

Krajnji rok za prijavu na javni oglas je **15 dana** od dana objavljivanja u dnevnim novinama.

Nepravovremeno dostavljene i nepotpune prijave neće se uzimati u razmatranje.

Prijave se mogu dostaviti lično ili preporučenom poštom na adresu: Nazavisni operator sistema u Bosni i Hercegovini, Ul. Hifzi Bjelevca 17, 71 000 Sarajevo sa naznakom:

"JAVNI OGLAS za popunu radnog mjesta rukovodilac Službe informacionih sistema i telekomunikacija - NE OTVARATI"

Ovaj javni oglas objavljen je u dnevnim novinama i na web stranici Nazavisnog operatora sistema u Bosni i Hercegovini.